



Na osnovu člana 8. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije Bosne i Hercegovine", br. 12/03, 34/03 i 65/13), čl. 25. i 34. Zakona o ustanovama ("Službeni list RBiH", br. 6/92, 8/93 i 13/94) i Odluke o standardima i kriterijima za imenovanje na poziciju predsjednika i članova upravnog odbora i predsjednika i članova nadzornog odbora javnih ustanova iz oblasti rada, socijalne politike, raseljenih lica i izbjeglica Kantona Sarajevo ("Službene novine Kantona Sarajevo", br. 22/13 i 51/15), ministrica za rad, socijalnu politiku, raseljena lica i izbjeglice Kantona Sarajevo raspisuje

O G L A S

za imenovanje kandidata na poziciju predsjednika i članova upravnog odbora i predsjednika i članova nadzornog odbora javnih ustanova iz oblasti rada, socijalne politike, raseljenih lica i izbjeglica Kantona Sarajevo

Oglašavaju se pozicije:

U JU "KANTONALNI CENTAR ZA SOCIJALNI RAD"

- Predsjednik Upravnog odbora 1
 - Član Upravnog odbora 4
- (Dva člana Upravnog odbora imenuju se iz reda stručnih radnika zaposlenih u Ustanovi)

U KJU "DOM ZA SOCIJALNO ZDRAVSTVENO ZBRINJAVANJE OSOBA SA INVALIDITETOM I DRUGIH OSOBA"

- Predsjednik Upravnog odbora 1
 - Član Upravnog odbora 4
- (Dva člana Upravnog odbora imenuju se iz reda stručnih radnika zaposlenih u Ustanovi)

U KJU "PORODIČNO SAVJETOVALIŠTE"

- Član Upravnog odbora 1

U KJU "DISCIPLINSKI CENTAR ZA MALOLJETNIKE"

- Predsjednik Nadzornog odbora 1

U KJU "GERONTOLOŠKI CENTAR"

- Član Nadzornog odbora 1
- (Član se imenuje iz reda stručnih radnika zaposlenih u Ustanovi)

Opis pozicije:

Upravni odbor obavlja poslove od značaja za oblast kojom se bavi javna ustanova, a koji se sastoje u: donošenju Pravila ustanove, imenovanju i razrješenju direktora, utvrđivanju planova rada i razvoja, utvrđivanju godišnjeg programa rada, donošenju finansijskog plana i usvajanju godišnjeg obračuna, donošenju opšteg akta o unutrašnjoj organizaciji i sistematizaciji poslova i drugih opštih akata u skladu sa zakonom i statutom, odlučivanju o svim pitanjima obavljanja djelatnosti radi koje je ustanova osnovana ako zakonom nije određeno da o određenim pitanjima odlučuje drugi organ ustanove, usmjeravanju, kontrolisanju i ocjenjivanju rada direktora, rješavanju svih pitanja sa osnivačem, odlučivanju o korištenju sredstava preko iznosa utvrđenog statutom ustanove, odgovornosti osnivaču za rezultate rada ustanove, podnošenju osnivaču najmanje jedn om godišnje izvještaja o poslovanju ustanove i drugim poslovima u skladu sa zakonom i statutom ustanove.

Nadzorni odbor analizira izvještaje o poslovanju ustanove, u obavljanju nadzora nad upotrebom sredstava za rad pregleda godišnji izvještaj o poslovanju i godišnji obračun, pregleda i provjerava urednost i zakonitost vođenja poslovnih knjiga, izvještava osnivača, upravni odbor i direktora o rezultatima nadzora.

Predsjednik i članovi Upravnog odbora i predsjednik i članovi Nadzornog odbora imenuju se na period od 4 (četiri) godine i mogu biti ponovo imenovani.

Naknada za rad u Upravnom odboru i Nadzornom odboru utvrđuje se aktom Vlade Kantona Sarajevo.

Kandidat za imenovanje mora ispunjavati slijedeće **opšte uslove**:

- a) da je stariji od 18 godina (dokaz: Izvod iz matične knjige rođenih),
- b) da nije otpušten iz državne službe kao rezultat disciplinske mjere na bilo kojem nivou u Bosni i Hercegovini (bilo na nivou države ili entiteta) u periodu najmanje od 3 (tri) godine prije dana objavljivanja upražnjene pozicije (dokaz: Izjava potpisana i ovjerena od strane nadležnog organa, ne starija od šest mjeseci)
- c) da se na njega ne odnosi član IX.1. Ustava Bosne i Hercegovine (dokaz: Izjava potpisana i ovjerena od strane nadležnog organa, ne starija od šest mjeseci).

Pored navedenih opštih uslova, kandidat koji se prijavljuje na Oglas mora ispunjavati i slijedeće **posebne uslove**:

- a) da je državljanin Bosne i Hercegovine (dokaz: Uvjerenje o državljanstvu ne starije od šest mjeseci)
- b) da nije osuđivan za krivično djelo koje je nespojivo sa obavljanjem dužnosti predsjednika i člana upravnog odbora i predsjednika i člana nadzornog odbora javne ustanove (dokaz: Uvjerenje nadležnog organa, ne starije od šest mjeseci)
- c) da nije osuđivan za prekršaj koji je nespojiv sa obavljanjem dužnosti predsjednika i člana upravnog odbora i predsjednika i člana nadzornog odbora javne ustanove (dokaz: Uvjerenje nadležnog organa, ne starije od šest mjeseci)
- d) da ima završen VII stepen stručne spreme, odnosno završen najmanje prvi ciklus bolonjskog studija visokog obrazovanja u trajanju od najmanje tri studijske godine sa akademskom titulom i stručnim zvanjem Bakalaureat/Bachelor (180 ECTS bodova) (dokaz: diploma o visokom obrazovanju)
- e) da ima najmanje dvije godine radnog iskustva u struci (dokaz: Uvjerenje/Potvrda o random iskustvu u struci)
- f) da nije izabrani zvaničnik, nosilac izvršnih funkcija ili savjetnik u smislu Zakona o sukobu interesa u organima vlasti u Federaciji Bosne i Hercegovine ("Službene novine Federacije BiH", broj 70/08) (dokaz: Izjava potpisana i ovjerena od strane nadležnog organa, ne starija od šest mjeseci)
- g) da nije član više od jednog upravnog odbora ili nadzornog odbora (dokaz: Izjava potpisana i ovjerena od strane nadležnog organa, ne starija od šest mjeseci))

h) da nema privatni finansijski interes u javnoj ustanovi u čiji se upravni i nadzorni odbor imenuje (dokaz: Izjava potpisana i ovjerena od strane nadležnog organa, ne starija od šest mjeseci)).

Za predsjednika i člana upravnog odbora i predsjednika i člana nadzornog odbora javne ustanove ne može biti imenovan državni službenik koji je zaposlen u organu državne službe nadležnom za vršenje bilo koje vrste nadzora nad javnom ustanovom.

Kandidat je dužan uz prijavu na Oglas, koja sadrži kraću biografiju, adresu i kontakt telefon, priložiti originalne dokumente ili ovjerene kopije dokumenata koji su dokaz o ispunjavanju opštih i posebnih uslova traženih Oglasom, **u roku od 15 (petnaest) dana od dana posljednjeg objavljivanja.**

Oglas će biti objavljen u "Službenim novinama Federacije Bosne i Hercegovine", u dnevnom listu "Dnevni avaz" i na WEB stranici Kantona Sarajevo.

Nepotpune i neblagovremene prijave neće se uzeti u razmatranje.

Prijave na Oglas se dostavljaju na adresu: Kanton Sarajevo- Ministarstvo za rad, socijalnu politiku, raseljena lica i izbjeglice – Komisiji za izbor, Sarajevo, ul. R.DŽ. Čauševića broj 1. Pisarnica, uz naznaku: Prijava na Oglas – upravni i nadzorni odbori javnih ustanova iz oblasti rada, socijalne politike, raseljenih lica i izbjeglica Kantona Sarajevo.

Svi kandidati koji budu stavljeni na listu sa užim izborom biće pozvani na intervju pred Komisijom za izbor koju imenuje Vlada Kantona Sarajevo.

Kandidati koje nakon intervjua predloži Komisija za izbor, smatrat će se da su najuspješnije prošli otvorenu konkurenciju.

Konačno imenovanje kandidata za predsjednika i članove upravnog odbora i predsjednika i članove nadzornog odbora izvršiti će Vlada Kantona Sarajevo na osnovu sastavljene liste povoljno ocijenjenih kandidata.


MINISTRICA
Amela Dautbegović



web: <http://mrsri.ks.gov.ba>
e-mail: mrsri@mrsri.ks.gov.ba
Tel: + 387 (0) 33 562-089, **Fax:** + 387 (0) 33 562-090
Sarajevo, Reisa Džemaludina Čauševića 1

